

समे – 12:25

<><><><><><>

Amit Shah Bharatpol

केन्द्री गृहमंत्री अमित शाह होरें अज्ज नमीं दिल्ली च बाहरले मुल्खें च छप्पे दे फरार अपराधिणं दी नकेल कस्सने लेई “भारत पोल” पोर्टल दी शुरूआत कीती। इस पोर्ट लगी सीबीआई नै तैआर कीते दा ऐ। इस मौके अमित शाह होरें आखेआ जे भारतपोल पोर्टल दी मदद कन्नै नस्सियै बाहरले मुल्खें च उठी गेदे अपराधिणं पर तक्क रखी जाग। एहदे न बैबख-बक्ख राज्यें दे पुलस बल ते होर दुइयां कनून नाफज करने आलियां केन्द्र अजेंसियां अंतर्राष्ट्रीय पुलस दी मदद कन्नै हर ताजा सूचना जानकारी सांझी करी सकगन। इस पोर्टल दी मदद कन्नै कुसै बी चाल्ली दी आतंकी वारदात, खतरनाक अपराध, साइबर अपराध आले मामलें च अपराधी तगर पुज्जना सखल्ला होई जाग।

<><><><><><>

Railway Inspection

रेल सुरक्षा आयुक्त होर अज्ज ते कल यानि 8 जनवरी गी महत्वकांक्षी उधमपुर-श्रीनगर बारामूला रेल लिंक परियोजनां दा वैधानिक निरीक्षण करंगन ते एहदे पर होने आहली अजमैशें गी दिक्खंगन। एहदे बाद आयुक्त होरें इस बारै अपनी रिपोर्ट जमा करांगन जेदे मगरा गै सिद्धे कश्मीर घाटी तोहड़ी रेल सेवा शुरू करने बारे कोई मुकदा फैसला कीता जाग।

<><><><><><>

Union Health Minister

केन्द्री सेहत मंत्री जे.पी.नड्डा होरें आखेआ ऐ जे एचएमपीवी कोई नमां वायरस नेई ऐ ते एहदे शा घब्वरने दी बी कोइ लोड़ नेई। सोशल मीडिया पर अपने इक वीडियो सनेए च उनें आखेआ इस वायरस दा पता पैहली बारी 2001 च लग्गा हा ते केइए बरें मिमां एह दुनिया दे बक्ख-बक्ख मुल्खें च सामने औंदा रेआ ऐ। उनें आखेआ जे एह वायरस ब्ला राएं फैलदा ऐ ते कुसै बी उमरी दे माहनू पर एहदा असर होई सकदा ऐ। उनें आखेआ जे मुल्खै च एहदे

पर नेड़मी तक्क रखी जा करदी ऐ ते कुसै बी चुनौती कन्नै निबड़ने लेई मुल्खै दी सेहत तंत्र ते बवस्थां पूरी चाल्ली तैआर न।

<><><><><><>

Nepal Earthquake

नेपाल च अज्जै बडलै 6 बज्जियै 35 मिंटें पर आए दे जबरदस्त भूंचाल दी तीव्रता रिक्टर पैमाने पर 7.1 नापी गई ऐ। भूंचाल दा केन्द्र लोबुचे कोला 93 किलोमीटर उत्तर पूर्व च दस्सेआ गेआ ऐ। भूंचाल दे झटके भारत दे बिहार ते पच्छिम बंगाल राज्यें च बी मसूस कीते गे। एहदा असर कन्नै लगदे किश होर मुल्खें च बी लब्भा ऐ, उआं नेपाल दे प्रधानमंत्री के.पी. शर्मा ओली होरें आखेआ जे हाल दे दिनें च बक्ख-बक्ख तीव्रता आले झटके मसूस कीते जा'रदे न ते लोकें अगगे अपील ऐ जे ओह सौहगे ते सतर्क रौहन। भूंचाल कारण कुसै चाल्ली दे जानी माली नुकसान दे बारे च सेही सेही जानकारी गी बलगेआ जा करदा ऐ।

<><><><><><>

RRB

रेलवे च खाली पेदिएं 1 ज्हार 36 असामिएं गी पुर करने लेई दरखास्तां मंगियां न। आकाशवाणी दे जम्मू संवाददाता नै जानकारी दित्ती ऐ जे बक्ख-बक्ख श्रेणिएं लेई दरखास्त जमा कराने दी खीरी तरीक 6 फरवरी 2025 रखी गई ऐ। मेदवारें गी दरखास्तां ऑनलाइन जमा करानियां होंगन। कोविड-19 महामारी गी ध्यानै च रखदे होई रेलवे नै उमर दी चप्परली हद च 3 ब'रे दी छूट दित्ती ऐ जेह्ड़ी छड़ी इक्कै बारी लेई लागू होग।

<><><><><><>

EAM

विदेश मंत्री डॉ. एस.जयशंकर होर इस ब'रे दे प्रवासी भारतीय दिवस समारोह च हिस्सा लैने लेई भूवनेश्वर पुज्जी गेदे न। ओह अज्ज कोणार्क च सूर्ज मंदर ते पुरी च भगवान जगननाथ मंदरै च बी जांगन। 18मां प्रवासी भारतीय दिवस समारोह कल्लै थमां शुरू होआ8रदा ऐ। त्रऊं दिनें दे इस कार्यक्रम च भारत ते बाहरले मुल्खें थमां 10 ज्हार कोला मते प्रतिनिधिएं दे हिस्सा लैने दी मेद ऐ।

<><><><><><>

Badminton

बैडमिंटन च लखनऊ दे के.डी.सिंह बाबू स्टेडियम च चलै करदी 18 ब'रे कोला हेठली उमरी दी आईएचएफ ट्रॉफी एशिया जोन च अज्ज भारत दा मकाबला उजबेकिस्तान कन्नै होग। कल इस वर्ग दे जबरदस्त मकाबले च भारत नै कजाखस्तान गी 31–27 कन्नै हराया। इस्सै चैंपियनशिप दे 20 ब'रें कोला हेठली उमरी दे सैमीफाइनल मकाबले च भारतीय जूनियर टीम कजाखस्तान कोला 21–19 कन्नै हारी गई।

<><><><><><>

Weather

मौसम विभाग नै अज्जै कोला लेइयै 10 तरीक तोड़ी मौसम आम तौरा पर बदलोखड़ा रौहने दी पेशनगोई कीती ऐ ते समूलची कश्मीर घाटी च घट्टोघट्ट तापमान सीफर डिग्री दे कोलकाल गै बने दा ऐ। साढ़े श्रीनगर आले संवाददाता नै जानकारी दित्ती ऐ जे अज्ज कल च घरटी व कुदरै बी ताजा बर्फबारी नेई होई ऐ। जम्मू श्रीनगर राष्ट्रीय जरनैली शिड़क पर दौनें बक्खी थमां गड्डिडएं दी आओजाई लेई खुल्ली ऐ। उआं लोकें गी इतलाह दित्ती गई ऐ जे ओह राष्ट्रीय जरनैली शिड़क एनएच-44 पर सड़कै दी स्थिति बारे जानकारी हासल करने परैत गै सफर शुरू करन। तोआई शिड़क पर बर्फ किट्ठी होने करी किश्तवाड़-सिंथन अनंतनाग शिड़क ते श्रीनगर सोनामर्ग गुमारी शिड़क अजें बी बंद ऐ। राजौरी पुंछ गी कश्मीर घाटी कन्नै जोड़ने आली एतिहासक मुगल रोड बी गड्डिडएं दी आओजाई लेई अज्ज उपरोतली 11में रोज बी बंद ऐ।

<><><><><><>

Satish Vaishnav

जम्मू कश्मीर दे ट्रांसपोर्ट, युवा मामले ते खेड़ें दे मंत्री सतीश शर्मा होरें कल केन्द्रीय मंत्री अश्विनी वैष्णव हुंदे कन्नै मलाटी कीती ते रेलवे, सूचना प्रौद्योगिकी ते सरबंधे खेत्तरें दे केई जरूरी मामले पर बचार बमर्श कीता। समीश शर्मा होरें जम्मू कश्मीर दे पूरे पराते विकास च केन्द्र सरकार दे समर्थन दी सराहना कीती।

<><><><><><>